

**I** FLETËUDHËZUES I PAKETIMIT:  
Informacion për përdoruesin

## DOXYDERMA

### Tableta - 100 mg

*(Doksiciklinë monohidrat)*

**Lexojeni me kujdes këtë fletëudhëzues përpara se të filloni përdorimin e barit.**

- Ruajeni këtë fletëudhëzues. Mund të keni nevojë ta lexoni përsëri.
- Nëse keni pyetje të tjera, drejtohuni tek mjeku ose farmacisti juaj.
- Ky bar është përshkruar për ju personalisht. Mos ja jepni atë personave të tjerë. Mund t'i dëmtojë ata edhe pse mund të kenë të njëjtat simptoma si ju.
- Nëse ndonjë prej efektëve anësore të përmendura përkeqësohet apo nëse vëreni efekte anësore që nuk përmenden në këtë fletëudhëzues, ju lutemi të informoni mjekun ose farmacistin tuaj.

**Ky fletëudhëzues përmban:**

- Çfarë është Doxyderma dhe përse përdoret?
- Çfarë duhet të dini para se të merrni Doxyderma?
- Si ta merrni Doxyderma?
- Efekte anësore të mundshme
- Si ta ruani Doxyderma?
- Informacion i mëtejshëm

#### 1. ÇFARË ËSHTË DOXYDERMA DHE PËRSE PËRDORET?

Doxyderma është një antibiotik me spektër të gjerë i grupit të tetraciklinave. Doxyderma përdoret në infeksione të shkaktuara nga patogjenë të ndjeshëm ndaj doksiciklinës, kryesisht në:

- Infeksione të rrugëve të frymëmarrjes dhe të Grykës – hundës - veshëve:
  - përkeqësime akute të bronkitit kronik
  - sinuzit
  - infllamacion të veshit të mesëm (Otitis media)
  - infeksione të caktuara të infllamacionit të mushkërive (pneumoni) të shkaktuara nga mykoplazmat, rikeciet ose klamidiet

- Infeksione të traktit urogenital:
  - uretrit i shkaktuar nga klamidiet dhe Ureaplasma urealyticum
  - prostatit akut
  - gonorre jo e komplikuar (kryesisht kur ka infeksion të njëkohshëm nga klamidiet)
- infeksione të organeve gjenitale tek femrat
- sifiliz, kur ka alergji nga penicilina
- infeksione të rrugëve urinare (vetëm në rastet kur është e sigurt ndjeshmëria e patogjenit)

- Infeksione të traktit gastrointestinal:
  - kolera
  - infeksione të shkaktuara nga *Yersinia* ose *Campylobakteret*
  - infekcion i shkaktuar nga shigela kur dihet ndjeshmëria e shkaktarit
- Terapi ambulatorë e infeksioneve të rrugëve biliare
- Sëmundje të lëkurës, edhe forma të rënda të infektuara të Akne vulgaris dhe rozace
- Konjunktivit i shkaktuar nga klamidiet dhe trakoma
- Sëmundje të shkaktuara nga borreliet, si Eritema chronicum migrans dhe sëmundja Lyme (të shkaktuara kryesisht nga infeksionet nga pickimet)
- Infeksione të rralla si: bruceloza, ornitioza, bartoneloza, listerioza, rikecioza, melioidoza, murtaja, granuloma inguinale.
- Sëmundje të tjera:
  - sindromi i keqpërthithjes (sëmundje që shoqërohen me dispepsi) si p.sh. Spruja tropikale dhe sëmundja Whipple.

#### 2. ÇFARË DUHET TË DINI PARA SE TË MERRNI DOXYDERMA?

**Doxyderma nuk duhet të merret:**

- nëse keni mbindjeshmëri të njohur (alergji) ndaj doksiciklinës monohidrat, tetraciklinave të tjera ose ndaj ndonjërit prej përbërësve të tjerë të Doxyderma
- nëse vuani nga çrregullime të rënda të funksionit të mëlcisë.

#### Tregoni kujdes të veçantë me Doxyderma

Ju lutemi të flisni me mjekun ose farmacistin tuaj përpara se të merrni Doxyderma.

Infeksionet të cilët dihen se janë shkaktuar nga stafilokokët, streptokokët dhe pneumokokët nuk duhet të trajtohen me Doxyderma sepse situata e rezistencës (ndjeshmëria e shkaktarit ndaj barit) nuk është e favorshme.

Gjatë përdorimit të kombinuar të Doxyderma me disa barna antidiabetike ose antikoagulante (shih Marrja e Doxyderma me barna të tjera) duhet të kryhet një kontroll i sheqerit në gjak dhe i parametrave të koagulimit dhe nëse është rasti, doza e këtyre barnave mund të ulet.

Ndikimi në analizat laboratorike:

Detektimi i sheqerit, proteinave, urobilnogjenit dhe i katekolaminave në urinë, mund të ndikohet nga marrja e tetraciklinave.

Lëkura dhe anekset:

Nën ndikimin e dritës së diellit mund të shkaktohen reaksione fototoksike në zonat e ekspozuara (shih Efektet anësore). Kështu që banjat e diellit ose solarët duhet të shmangen gjatë trajtimit me Doxyderma.

Njoftoni mjekun tuaj për trajtimin me Doxyderma përpara se të kryeni narkozë (shih Marrja e Doxyderma me barna të tjera).

Udhëzime të veçanta:

Nëse trajtimi zgjat më shumë se 21 ditë, duhet të kryhen kontrole të rregullta të gjakut, mëlcisë dhe veshkave. Ju lutemi që të kryeni me kujdes kontrollin për suksesin e trajtimit 3 – 4 ditë pas përfundimit të tij në rastin e një infeksioni gonokoksik për të shmangur rikthimin e sëmundjes.

#### Përdorimi tek fëmijët dhe të moshuarit

Fëmijët nën 8 vjeç nuk duhet të trajtohen me Doxyderma (shih Shtatzënia dhe Ushqimi me gji).

Për të moshuarit nuk ka udhëzime të veçanta.

#### Marrja e Doxyderma me barna të tjera

Ju lutemi të informoni mjekun ose farmacistin tuaj nëse merrni / përdorni, keni marrë / përdorur para pak kohësh ose planifikoni të merrni / përdorni barna të tjera, edhe nëse bëhet fjalë për barna të marra pa recetë.

#### Cilat barna ndikojnë në efektin e Doxyderma?

Përthithja e doksiciklinës nga trakti gastrointestinal mund të ulet nga disa katione 2 - ose 3 – valente, si alumini dhe magnezi (të cilët ndodhen p.sh. tek antiacidet) ose kalçiumi (i cili ndodhet edhe tek qumështi dhe produktet e tij), nga shtesat me hekur si dhe nga karboni aktiv dhe kolestiramina (bar për uljen e yndymave të larta në gjak). Prandaj, barnat ose ushqimet që i përmbajnë këta elementë duhet të merren me diferencë kohore prej 2 – 3 orësh.

Antibiotiku rifampicin, barbituratet (p.sh. të përdorur si qetësues ose gjumësjellës) dhe barna të tjera antiepileptike (karbamazepinë, difenilhidantoinë dhe primidon) si dhe abuzimi i vazhdueshëm me alkoolin mund të përshpejtojnë metabolizimin e doksiciklinës (nëpërmjet induktimit të enzimave në mëlcji). Në këto kushte Doxyderma mund të mos veprojë sepe në arrin nivele të mjaftueshme në gjak.

#### Si ndikon Doxyderma në efektin e barnave të tjera?

Doksiciklina mund të rrisë veprimin e disa antidiabetikëve (sulfonilureikë orale) dhe të disa antikoagulantëve (të tipit të dikumarolit) (shih „Tregoni kujdes të veçantë me Doxyderma“). Gjatë përdorimit të kombinuar duhet të kryhet një kontroll i sheqerit në gjak dhe i parametrave të koagulimit dhe nëse është rasti doza e këtyre barnave mund të ulet. Doxyderma mund të rrisë efektin dëmtesus (toksik) të ciklosporinës A (bar për suprimimin e sistemit imun të organizmit).

Ndërveprime të tjera:

Gjatë trajtimit me Doxyderma, narkoza me metoksifluran apo me barna të tjera që mund të dëmtojnë veshkat, mund të çojë në insuficiencë renale (shih „Tregoni kujdes të veçantë me Doxyderma“).

Pak përpara, gjatë ose pas një trajtimi të akneve me izotretinoinë, nuk duhet të bëhet trajtim me Doxyderma, sepse në raste të rralla të dy këto barna mund të japin rritje të presionit intrakranial (Pseudotumor cerebri), i cili rikthehet në normë vetvetiu pas përfundimit të trajtimit.

Përdorimi i njëkohshëm i Doxyderma dhe disa antibiotikëve të tjerë (antibiotikë beta – laktamikë si p.sh. penicilinat, cefalosporinat) duhet të shmanget, sepse në testet diagnostike në laborator është vënë re një efekt dobësues (antagonist) i efektit antibakterial.

Përdorimi i njëkohshëm i Doxyderma dhe teofilinës (bar që përdoret në astmë) mund të çojë në rritjen e efektëve anësore në traktin gastrointestinal.

#### Marrja e Doxyderma me ushqim dhe pije

Ju lutemi të mos konsumoni qumësht, produkte të tij dhe lëngje frutash që përmbajnë kalçium njëkohësisht me Doxyderma. Ruani një diferencë kohore prej 2 – 3 orësh pas dozës suaj ditore (shih „Marrja e Doxyderma me barna të tjera“).

Mbani parasysh se në rast abuzimi të zgjatur me alkoolin, metabolizimi i doksiciklinës përshpejtohet. Kështu që Doxyderma mund të mos veprojë për shkak se nuk arrin nivele mjaftueshëm të larta në gjak.

#### Shtatzënia dhe Ushqimi me gji

Nëse jeni shtatzënë ose ushjeni fëmijën me gji, ose nëse dyshoni se jeni shtatzënë apo planifikoni një shtatzëni, këshillohuni me mjekun ose farmacistin përpara se të përdorni këtë bar. Doxyderma mund të përdoret gjatë shtatzënisë dhe ushqimit me gji, si dhe tek foshnjët dhe fëmijët deri në 8 vjeç vetëm në rast se ka indikacion shumë të fortë, sepse tek fetuset që 4 muajsh si dhe tek foshnjët dhe fëmijët deri në 8 vjeç, nëpërmjet depozitimit të doksiciklinës, ajo mund të shkaktojë çrregullime kryesisht të rikthyeshme të rritjes së kockave si dhe ngjyrosje të parikthyeshme të dhëmbëve dhe dëmtim të zmallit.

#### Drejtimi i automjetit dhe përdorimi i makinerive

Gjatë trajtimit me Doxyderma mund të shfaqet miopi kalimtare, e cila mund të shkaktojë pasiguri në drejtimin e automjetit ose në përdorimin e makinerive.

#### 3. SI TA MERRNI DOXYDERMA?

Merreni Doxyderma gjithmonë sipas rekomandimit të mjekut. Pyesni mjekun ose farmacistin tuaj nëse nuk jeni të sigurtë.

#### Nëse nuk përshkruhet ndryshe nga mjeku, doza e zakonshme është:

Adoleshentët mbi 50 kg dhe të rriturit nën 70 kg marrin në ditën e parë 2 tableta Doxyderma 100 mg (ekuivalente me 200 mg doksiciklinë) dhe në ditët në vazhdim nga 1 tabletë Doxyderma 100 mg (ekuivalente me 100 mg doksiciklinë). Të rriturit mbi 70 kg marrin 2 tableta Doxyderma 100 mg (ekuivalente me 200 mg doksiciklinë) në ditë. Ky bar nuk rekomandohet për tu përdorur tek fëmijët nën 50 kg (nga 8 vjeç: 4 mg/kg në ditën e parë dhe 2 mg/kg në ditët në vijim) për shkak të dozës së tij të lartë.

Rekomandime të veçanta për dozimin:

- Uretrit gonorreik akut (uretrit i lidhur me gonorrenë) tek meshkujt: 2 tableta Doxyderma 100 mg në ditë (ekuivalente me 200 mg doksiciklinë) për 7 ditë.
- Epididimit akut gonokoksik: 2 tableta Doxyderma 100 mg në ditë (ekuivalente me 200 mg doksiciklinë) për 10 ditë.
- Infekcion gonokoksik akut tek femrat: 2 tableta Doxyderma 100 mg në ditë (ekuivalente me 200 mg doksiciklinë) për të paktën 7 ditë. Suksesi i trajtimit në një infektion gonokoksik duhet të kontrollohet nëpërmjet një analize të kulturës 3 – 4 ditë pas përfundimit të trajtimit.
- Sifiliz (forma primare dhe sekondare kur ka alergji nga penicilina): 3 tableta Doxyderma 100 mg në ditë (ekuivalente me 300 mg doksiciklinë; mund të merren edhe njëherësh) për 15 ditë.
- Sëmundje të lëkurës, edhe forma të rënda të infektuara të akne vulgaris dhe rozace: 1 tabletë Doxyderma 100 mg në ditë (ekuivalente me 100 mg doksiciklinë), zakonisht për 7 - 21 ditë. Më pas terapia mbajtëse mund të vazhdohet me 50 mg doksiciklinë në ditë për 2 - 3 javë të tjera. Në varësi të rezulttit të trajtimit, në trajtimin e akneve, mund të përdoret terapi deri në 12 javë me doza të ulëta të doksiciklinës (50 mg në ditë).

- Sëmundja Lyme (Stadi I): 2 tableta Doxyderma 100 mg në ditë (ekuivalente me 200 mg doksiciklinë), për 2 - 3 javë (por të paktën për 14 ditë).

#### Pacientët me funksion të dëmtuar të veshkave

Përgjithësisht, tek pacientët me funksion të dëmtuar të veshkave, nuk ka nevojë për ulje të dozës së doksiciklinës.

#### Kohëzgjatja e trajtimit

Kohëzgjatja e trajtimit varet nga lloji, graviteti, dhe ecuria e sëmundjes. Në përgjithësi, Doxyderma merret për 5 - 21 ditë. Mjeku do të vendosë për kohëzgjatjen e trajtimit tuaj (shih gjithashtu “Rekomandime të veçanta për dozimin”). Nëse do trajtohen infeksione të shkaktuara nga streptokokët ß-hemolitikë që dihet se janë të ndjeshëm ndaj doksiciklinës, trajtimi duhet të vazhdojë të paktën 10 ditë për të parandaluar dëmtimet e mëvonshme (si p.sh. ethet reumatike ose glomerulonefritin).

Më poshtë jepet kohëzgjatja e trajtimit për disa sëmundje:

- uretrit gonorreik akut tek meshkujt: 7 ditë
- epididimit gonokoksik akut: 10 ditë
- infekcion gonokoksik akut tek femrat: të paktën 7 ditë
- sifiliz (forma primare dhe sekondare kur ka alergji nga penicilina): 15 ditë
- sëmundja Lyme (stadi I): 2 deri në 3 javë.

#### Mënyra e përdorimit

Doxyderma mund të merret ose në mëngjes bashkë me ushqimin ose me shumë lëngje (jo qumësht ose produkte të tij), p.sh. një gotë ujë gjatë një vakti tjetër.

Marrja gjatë një vakti mund të ulë mundësinë e efektëve anësore gastrointestinale. Për të shmangur gabimet gjatë përdorimit, gjithmonë merrini tabletat me shumë ujë në pozicion drejt (ulur ose në këmbë). Pas rreth 10 - 15 minutash pas marrjes, pini sërish lëngje!

Ju lutemi të flisni me mjekun ose farmacistin tuaj nëse keni përshtypjen se efekti i Doxyderma është shumë i fortë ose shumë i dobët.

#### Nëse keni marrë më shumë Doxyderma se sa duhet

Nuk njihen raste të helmimit me Doxyderma.

Meqenëse në rast mbidozimi ekziston rreziku për dëmtime me mëlcisë dhe veshkave si dhe i një pankreatiti, njoftoni mjekun nëse dyshoni për mbidozim, për të marrë trajtimin e mbidozimit dhe këshillat e nevojshme.

#### Nëse harroni të merrni Doxyderma

Nëse harroni të merrni një herë Doxyderma, prisni deri ditën tjetër dhe merrni dozën e përcaktuar.

#### Nëse ndërprisni marrjen e Doxyderma

Mund të rrezikoni suksesin e trajtimit. Ju lutemi të flisni me mjekun ose farmacistin tuaj përpara se të ndërprisni trajtimin me Doxyderma.

Nëse keni pyetje të tjera rreth përdorimit të këtij bari, pyesni mjekun ose farmacistin tuaj.

#### 4. EFEKTE ANËSORE TË MUNDSHME

Si të gjitha barnat, doksiciklina mund të shkaktojë efekte anësore, të cilat mund të mos shfaqen tek çdo përdorues. Për vlerësimin e efektëve anësore janë përdorur treguesit e mëposhtëm të shpeshtësisë:

Shumë të shpeshta	shfaqen në më shumë se 1 ndër 10 përdorues
Të shpeshta	shfaqen deri në 1 ndër 10 përdorues
Të pazakonta	shfaqen deri në 1 ndër 100 përdorues
Të rralla	shfaqen deri në 1 ndër 1.000 përdorues
Shumë të rralla	shfaqen deri në 1 ndër 10.000 përdorues
Të panjohura	Nuk mund të vlerësohet shpeshtësia nga të dhënat që disponohen

**Efekte anësore apo shenja të rëndësishme ndaj të cilave duhet të tregoni kujdes dhe masat që duhet të merrni nëse prekeni prej tyre:** Nëse ju shfaqet ndonjë prej efektëve anësore të mëposhtme, mos merrni më Doxyderma dhe kërkoni menjëherë mjekun.

Reaksioni Jarisch – Herxheimer i cili shkakton temperaturë, ethe, dhimbje koke, dhimbje muskujsh dhe rash në lëkurë, i cili zakonisht shërohet vetvetiu. Ky ndodh pak kohë pas fillimit të trajtimit me doksiciklinë për infeksionet nga spiroketa, si sëmundja Lyme.

#### Efekte anësore të shpeshta:

- shqetësime gastrointestinale në formën e urthit, presion gastrik, të vjella, meteorizëm, steatorre dhe diarre e lehtë. Marrja e këtij bari bashkë me ushqimin mund t'i reduktojë këto efekte të padëshiruara deri në një masë të caktuar; shkalla e përthithjes ndikohet shumë pak.

#### Efekte anësore të pazakonta:

- çrregullime të koagulimit;
- reaksione alergjike si: ekzantemë e gjeneralizuar, eritemë, urtikarie, të kruzajtura në lëkurë, eritemë eksudative multiforme, enjtje lokale e kthyeshme e lëkurës, e mukozave ose e kyçeve (angioedemë), astmë, shok anafilaktik, erupsion i shkaktuar nga bari në organet gjenitale dhe në pjesë të tjera të trupit si dhe reaksion i ngjashëm me sëmundjen e serumit me temperaturë, dhimbje koke dhe dhimbje kyçesh;
- infllamacion i gojës dhe i mukozës së ezofagut, ngjirje, enjtje;
- hematuri;
- ngjyrosje e parikthyeshme e dhëmbëve dhe dëmtim i zmallit si dhe çrregullim i rikthyeshëm i rritjes së kockave nëse doksiciklina përdoret tek fëmijët nën 8 vjeç. Përveç kësaj, ekzistojnë të dhëna në literaturë për ngjyrosje të dhëmbëve tek të rriturit pas përdorimit afatgjatë të doksiciklinës. Mekanizmi i plotë i këtij efekti anësor tek të rriturit është i paqartë.

#### Efekte anësore të rralla:

- çrregullimet hematologjike që vijnë, të cilat janë të kthyeshme: leukocitopeni, leukocitozë, trombocitopeni, anemi, limfocitopeni, limfadenopati, limfocite atipike dhe granulime toksike të granulociteve ngjarje të rënda akute mbindjeshmërie si: edemë e fytyrës, enjtje e gjuhës, enjtje e laringut me ngushtim të rrugëve të frymëmarrjes, takikardi, dispne,

ulje e presionit të gjakut deri në shok të rrezikshëm dhe arrest kardiak; nëse ndodhin të mësipërmët, të cilat mund të jenë vdekjeprurëse, duhet kërkuar ndihma e mjekut menjëherë (shih „Masat që duhen marrë për efektet anësore“);

- simptoma të rënda në lëkurë me reaksione sistemike kërcënuese për jetën (si p.sh. dermatit eksfoliativ, sindromi Lyell); brenda grupit të tetraciklinave ekziston alergjia e kryqëzuar;
- mungesë qetësie, ankth;
- presion intrakranial (Pseudotumor cerebri), i cili është i kthyeshëm pas përfundimit të terapisë; ai shfaqet me dhimbje koke, të përziera, të vjella dhe mund të shkaktojë edhe shqetësime të shikimit nëpërmjet një papiledeme; parestezi;
- takikardi;
- mialgji, artralgji;
- dëmtim i veshkave, p.sh. nefrit intersticial, insuficiencë renale akute dhe anuri; tetraciklinat mund të shkaktojnë dëme nefrotoksike ose përkeqësojnë një dëmtim ekzistues të funksionit të veshkave (i dallueshëm nga rritja e kreatininës dhe uresë në serum);
- shqetësime ose humbje e ndjesisë së nuhatjes dhe shijes, të cilat vetëm në disa raste dhe vetëm pjesërisht janë të kthyeshme;
- çrregullime të lëkurës dhe të indit të nënlëkurës; reaksionet alergjike ndaj doksiciklinës shfaqen rrallë; nën rrezatimin e diellit, nëpërmjet reaksioneve të fotosensibilizimit, mund të shkaktojë reaksione fototoksike në zonat e ekspozuara (me simptoma si ato të djegies së rëndë nga dielli, p.sh. skuqje, enjtje, fluska, ndryshim i ngjyrës), rrallë duke përfshirë edhe thoin (çngjyrosje e thoit dhe shkolitje). Kështu që, gjatë trajtimit me doksiciklinë duhen shmangur banjat e diellit dhe solarët.

#### Efekte anësore shumë të rralla:

- konvulsione (pas marrjes nga goja të doksiciklinës është raportuar një rast i një konvulsioni epileptik; pas marrjes intravenoze janë raportuar disa raste me këtë efekt anësor);
- enterokolit pseudomembranoz (shih „Masat që duhen marrë për efektet anësore“), gjuhë e zezë me qime. Mund të ndodhë infllamacion dhe / ose ulceracion i ezofagut, veçanërisht nëse bari merret menjëherë para gjumit ose me shumë pak lëng.

#### Infeksione dhe sëmundje parazitare

Gjatë terapisë me doksiciklinë, si pasojë e selektivitetit, mund të ndodhë kolonizim i lëkurës ose mukozave nga Candida (kryesisht i traktit gjenital, i mukozës së gojës dhe zorrës së hollë) dhe të shfaqet me simptoma si infllamacion i gojës dhe i mukozës së faringut (glosit, stomatit), infllamacion akut i organeve të jashtme gjenitale dhe i vaginës tek femrat (vulvovaginit), si dhe të kruzajtura në regionin anal (pruritus ani).

#### Çrregullime hepatobiliare

Në rast mbidozimi ekziston rreziku për dëmtim të mëlcisë ose për pankreatit. Gjatë shtatzënisë ekziston një rrezik i rritur për dëmtime të mëlcisë gjatë marrjes së tetraciklinave.

#### Masat që duhen marrë për efektet anësore

Koliti pseudomembranoz

Në varësi të indikacionit, në këtë rast duhet konsideruar ndërprerja e trajtimit me Doxyderma dhe nëse është rasti, të fillohet menjëherë trajtimi i përshtatshëm (p.sh. marrja e antibiotikëve / kemoterapeutikëve specifikë, efekti i të cilëve njihet klinikisht). Barnat që frenojnë lëvizjen e zorrës (peristaltikën) janë të kundërtindikuar.

#### Reaksione të rënda akute mbindjeshmërie (p.sh. anafilaksi)

Në këtë rast duhet ndërprerë menjëherë trajtimi me Doxyderma dhe duhet të merren masat e menjëhershme të nevojshme (p.sh. dhënia e antihistaminikëve, kortikosteroidëve, simptomimetikëve dhe në rast nevojë ventilim). Ju lutemi të informoni mjekun ose farmacistin tuaj nëse ndonjëri prej efektëve anësore bëhet serioz, ose nëse vëreni efekte anësore që nuk përmenden në këtë fletëudhëzues.

#### 5. SI TA RUANI DOXYDERMA?

Ruajeni larg fëmijëve!

Mos e ruani mbi 30°C.

Mos e përdorni barin pas datës së skadencës të shënuar në blister dhe në kutinë e kartonit.

#### 6. INFORMACION I MËTEJSHËM

##### Çfarë përmban Doxyderma:

Lënda aktive është doksiciklinë monohidrat.

1 tabletë përmban 104,1 mg doksiciklinë monohidrat, ekuivalente me 100 mg doksiciklinë.

Përbërësit e tjerë janë: celulozë mikrokristalore, glikolat natriumi i amidonit, vaj vegjetal i hidrojenuar, povidon, dioksid silici koloidal, stearat magnezii.

#### Përmbajtja e paketimit:

Kuti me 10 dhe 20 tableta.

#### Mbajtësi i autorizimit për tregtim (MAT) dhe prodhuesi:



**PROFARMA Sh.a.**  
Rruga „Skënder Vila“  
Tel.: +355 4 23 89 602  
Tiranë – SHQIPËRI

**Ky fletudhëzues u rishikua për herë të fundit në Gusht 2023.**